

說文解字義證

卷二十九

第十五冊

說文解字

卷之六

說文解字第六 義證第十九

曲阜桂馥學

邑 國也從口先王之制尊卑有大小從下凡邑之屬皆

從邑 於汲切

釋名四井為邑邑猶悒也邑人聚會之稱也 史記鄭世家

封子產以六邑集解引服虔曰四井為邑 周本紀於是古

公營築城郭室屋而邑別居之徐廣音義分別而為邑落也

五帝紀舜一年而所居成聚二年成邑 呂氏春秋貴因

篇舜一徙成邑再徙成都三徙成國注云周禮四井為邑邑

方二里也四縣為都都方二十里也邑有封都有成然則

邑小都大傳曰都城過百雉國

之害也成國成千乘之國也

國也者廣雅同御覽引作縣也從口弓風俗通周禮百里

曰同所以獎王室協風俗總名縣縣玄也言當玄靜平徭

役黃恭十四州記縣者弦也言施繩用法狀如弦弦聲近

縣故以取名釋地邑外謂之郊郭注邑國都也桓十一年

左傳且曰虞四邑之至也杜云邑亦國也正義云書云欲宅洛邑傳每云敝邑是也錢君大昭曰夏商天子所居名邑商頌殷武云商邑翼翼四方之極毛傳商邑京師也逸書言西邑夏大邑周多士言天邑商是也是以白虎通云夏曰夏邑殷曰商邑周曰京師尚書曰率割夏邑謂桀也在商邑謂殷也文王演易據夏商之禮故於无妄六三云邑人之災亦以天子所居為邑也諸侯亦稱邑春秋傳云敝邑是也馥案書多士今朕作大邑于兹洛從口者口音圍先王之制尊卑有大小從口者坊記制國不過千乘都城不過百雉左傳都城過百雉國之害也大都不過參國之一中五之一一小九之一今京不度非制也孟子三里之城七里之郭

邑

國也從邑半聲

博江切

詩節南山以畜萬邦

論語邦君為兩君之好又云夫子至於邦也

國也者魏志辰韓名國為邦漢高帝諱邦邦之字為國周禮大宰掌邦之六典以佐王治邦國注云大曰邦小曰國釋名大曰邦邦封也封有功於是也書康誥序以殷餘民邦康叔傳云國康叔為衛侯

古文

本書古文封從土從土此從土從田同意 徐鍇
曰古謂封諸侯為邦故尚書曰乃命諸王邦之蔡

郡

周制天子地方千里分為百縣縣有四郡故春秋傳
曰上大夫受郡是也至秦初置三十六郡以監其縣

從邑君聲

渠運切

黃恭十四州記改公侯之封而言郡者君至尊也言郡守專
權君臣之禮更崇也今之郡字君在其左邑在其右君為元
首邑以載民故取名
於君而謂之郡也

周制云云者水經注引云郡制天子地方千里分為百縣
縣有四郡故春秋傳曰上大夫縣下大夫郡哀二年左傳
晉趙鞅與鄭戰誓衆曰克敵者上大夫受縣下大夫受郡
士田十萬注云周書作雒篇千里百縣縣有四郡周書郊
田方六百里因四方為千里分以百縣縣有四郡呂氏春
秋季夏紀是月也令四監大夫合百縣之秩芻以養犧牲

注云周制天子畿內方千里分爲百縣縣有四郡郡有鄙
故春秋傳曰上大夫受縣下大夫受郡風俗通周制天子
方千里分爲百縣縣有四郡故左氏傳曰上大夫受縣下
大夫受郡至秦初置三十六郡以監其縣者水經注引
作以監縣矣類篇引作以監縣邑徐鍇本作至秦初并天
下釋名至秦改諸侯置郡縣郡羣也人所羣聚也風俗通
至秦始皇初置三十六郡以監縣高注呂氏春秋周時縣
大郡小至秦始皇兼天下初置三十六郡以監縣曰呂祖
謙曰春秋之時郡屬於縣趙簡子誓衆所謂上大夫受縣
下大夫受郡是也戰國之時縣屬於郡秦紀惠文十年魏
納上郡十五縣是也方孝公商鞅時并小鄉爲大縣縣一
令尚未有郡收守稱及魏納上郡之後十餘年秦紀始書
置漢中郡或者山東諸侯先變古制而秦效之歟三輔黃
圖始皇銷鋒鏑以爲金人銘其後曰皇帝二十六年初兼
天下改諸侯爲郡縣魏志傅嘏常以爲秦始罷侯置守設
官分職不與古同漢舊儀古者諸侯治民周以上千八百
諸侯其長伯爲君次仲叔季爲卿大夫支屬爲士庶子皆
世官位至秦始皇帝滅諸侯爲郡縣不世官守相令長以
他姓相代去世卿大夫士古文苑郡太守箴有羸驅除焚
典紀舊蕩滅蕃畿罷侯置守注云秦廢封建之法分天下

爲三十六郡郡各置守隋書地理志秦始皇懲周氏之微弱恃狙詐以爲疆蔑棄經典罷侯置守袁子秦以列國之勢而并天下自以由諸侯而起之也於是去五等之爵而改郡縣史記秦始皇本紀天下共苦戰鬪不休以有侯王賴宗廟天下初定又復立國是樹兵也而求其寧息豈不難哉廷尉議是分天下以爲三十六郡集解三十六郡者三川河東南陽南郡九江鄣郡會稽潁川碭郡泗水薛郡東郡琅邪齊郡上谷漁陽右北平遼西遼東代郡鉅鹿邯鄲上黨太原雲中九原雁門上郡隴西北地漢中巴郡蜀郡黔中長沙凡三十五與內史爲三十六郡晉書地理志始皇初并天下懲忒戰國削罷列侯分天下爲三十六郡於是興師逾江平取百越又置閩中南海桂林象郡凡四十郡郡一守焉漢官儀秦用李斯議分天下爲三十六郡凡郡或以列國陳魯齊吳是也或以舊邑長沙丹陽是也或以山太山山陽是也或以川源西河河東是也或以所出金城城下有金酒泉泉味如酒豫章章樹生庭中鴈門鴈之所育是也或以號令禹合諸侯大計東冶之山會稽是也京兆絕高曰京京大也十億曰兆欲帝都殷盈也左輔右弼蕃翊承風也張掖始開垂張臂掖也顧炎武曰秦分天下爲三十六郡其中西河上郡則因魏之故雲中鴈

門代郡則趙武靈王所置上谷漁陽右北平遼西遼東郡
則燕所置史記不忘地理而見之於匈奴之傳孟堅志皆
謂之秦置者以漢之所承者秦不言魏趙燕不潛邱劄記
郡縣始自秦其可考者秦內史則治咸陽縣三川郡治維
陽縣潁川郡治陽翟縣南陽郡治宛縣邯鄲郡治邯鄲縣
鉅鹿郡治鉅鹿縣上黨郡治長子縣太原郡治晉陽縣雲
中郡治遠服縣九原郡治九原縣河東郡治安邑縣東郡
治濮陽縣陽郡治陽縣上郡治膚施縣上谷郡治沮陽縣
漁陽郡治漁陽縣代郡治廣昌縣右北平郡治無終縣遼
西郡治陽樂縣遼東郡治襄平縣南郡治江陵縣薛郡治魯
治南鄭縣黔中郡治沅陵縣長沙郡治青陽縣薛郡治魯
縣泗水郡治沛縣九江郡治壽春縣鄣郡治鄣縣會稽郡
治吳縣齊郡治臨淄縣琅邪郡治琅邪縣已郡治江州縣
蜀郡治成都縣閬中郡治回浦縣南海郡治番禺縣象郡
治象林縣不可考者鴈門
隴西北地桂林郡治百

邑

有先君之舊宗廟曰都從邑者聲周禮垣國五百里

爲都

當孤切

有先君之舊宗廟曰都者字林有宗廟先君之主曰都閔
元年左傳分之都城服注邑有先君之主曰都莊二十八
年傳凡邑有宗廟先君之主曰都無曰邑杜云周禮四縣
爲都四井爲邑然宗廟所在則雖邑曰都尊之也傳又云
曲沃君之宗也注云曲沃桓叔所封先君宗廟所在僖十
年傳狐突適下國服虔曰曲沃有宗廟故謂之國在絳下
故曰下國昭四年傳屬有宗祧之事於武城傳遜曰楚武
城有先君之廟故田獵以祭呂氏春秋仲秋紀建都邑注
云國有先君宗廟曰都無曰邑南都賦夫南陽者眞所謂
漢之舊都也奉先帝而追孝立唐祀於堯山魏韓顯宗上
言昔周居洛邑猶存宗周漢遷東都京兆置尹察春秋之
義有宗廟曰都無曰邑況代京宗廟山陵所託王業所基
今便同之郡國臣竊不安周禮丘國五百里爲都者經
無此文當爲周制鄭注冢宰云四郊去國百里邦都五百
里又注縣土云距王城四百里以外至五百里曰都司馬
法王國百里爲郊二百里爲州三百里爲野四百里爲縣
五百里爲都

邑

五家爲鄰從邑隣聲

力珍切

五家為鄰者周禮遂人文鄭司農云田野之居其比伍之名與國中異制故五家為鄰釋名五家為伍以五為名也又謂之鄰鄰連也相接連也論語以與爾鄰里鄉黨乎鄭注五家為鄰五鄰為里

鄧 百家為鄧鄧聚也從邑贊聲南陽有鄧縣作管切又作旦切

百家為鄧者周禮遂人五家為鄰五鄰為里四里為鄧徐錯曰五家為鄰五鄰為里二十五家也四里為鄧百家也

南陽有鄧縣者漢書地理志南陽郡鄧縣侯國顏注卽

蕭何所封史記高祖功臣侯年表蕭何封鄧索隱鄧音贊

縣名在沛又云按諸解作南陽鄧蕭相國世家高祖以蕭

何功最盛封為鄧侯文穎曰音贊臣瓚曰今南陽鄧縣也

孫檢曰有二縣音字多亂其屬沛郡者音嗟屬南陽者音

讚按茂陵書蕭何國在南陽宜呼讚今多呼嗟嗟舊字作

鄧今皆作鄧所由亂也漢書蕭何傳上以何功最盛先封

為鄧侯顏注鄧屬南陽傳又云高后乃封何夫人同為鄧

侯小子延為筑陽侯顏注鄧及筑陽皆南陽縣也今其地

竝屬襄州高帝紀相國鄧侯下諸侯王臣瓚曰茂陵書何

封國在南陽鄧音贊顏注瓚說是也而或云何封沛郡鄧

縣音才何反非也案地理志南陽鄧縣云侯國沛鄧縣不

云侯國也又南陽鄧者本是春秋時陰國所謂遷陰于下
陰者也今爲襄州陰城縣有鄧城城西見有蕭何廟彼土
又有筑水筑水之陽古曰筑陽縣與鄧側近連接據何本
傳何蒙之後子祿無嗣高后封何夫人同爲鄧侯小子延
爲筑陽侯孝文罷同更封延爲鄧侯是知何封鄧國兼得
筑陽此明驗也但鄧字別有鄱音是以沛之鄱縣史記漢
書皆作鄧字明其音同也班固泗水亭碑以蕭何相國所
封與何同韻於義無爽然其封邑實在南陽非沛縣也且
地理志云王莽改沛鄧曰贊治然則沛鄧亦有贊音鄱鄧
相亂無所取信也說者又引江統徂淮賦以爲證此乃統
之疏謬不可考覈亦猶潘岳西征以陝之曲沃爲成師所
居耳斯例甚多不可具載古文苑班固十八侯銘文昌四
友漢有蕭何序功第一受封于鄧注云鄧屬南陽郡音贊
沛郡又有鄧縣才何反水經沔水又東南過鄧縣之西南
酈注縣治故城南臨沔水謂之鄧頭漢高帝五年封蕭何
爲侯國也薛瓚曰今南鄉鄧頭是也茂陵書曰在南陽王
莽更名南庚者也圖經穀城縣有鄧城漢志卽蕭何所封
也通典襄陽郡穀城縣下云有漢故鄧城在縣東北漢之
鄧縣也蕭何所封說文云鄧音贊縣在南陽鄱左何反縣
在沛郡按班固泗水亭高祖碑云文昌四友漢有蕭何序

功第一受封於鄆又江統徂淮賦云戾鄆城而倚軒實蕭
公之故國謂何封沛郡之鄆明矣近代戴規辯字與姚蔡
訓纂傍將眾說俱因此論規卽斷云何封沛之鄆夫人封
南陽之鄆臣瓚及文穎等注皆據茂陵書蕭何所封在
陽按茂陵書在武帝崩日去何不遠指事爲親且地理志
以鄆爲侯國鄆則不言又何本傳子祿蒙無子高后封何
夫人同爲鄆侯小子延爲築陽侯孝文元年罷同更封延
爲鄆侯尋築陽距鄆三十餘里若唯夫人封鄆則小子延
獨繼其母于謂不然也鮑至南雍州記云城內見有蕭相
國廟相傳謂爲城隍神遠而推之茂陵書亦可依矣王觀
國曰蕭何所封乃南陽之鄆也與沛郡鄆縣各有區別苟
不考究則相亂矣後漢書郡國志沛國有鄆縣劉昭注曰
曹騰封費亭是也觀國按費亭乃春秋所謂費滑蓋滑國
都於費在河南緱氏縣亦當屬南陽之鄆縣非沛國之鄆
也以鄆字相亂故劉昭誤注爾馥案王說是也後漢宦者
傳曹騰以定策功封爲費亭侯春秋莊十六年會滑伯滕
子同盟于幽杜注滑國都費河南緱氏縣又左傳殄滅我
費滑杜注滑國都於費今緱氏縣然則費亭屬南陽不屬
沛也史記三王世家續封蕭文終之後於鄆索隱蕭何初
封沛之鄆音贊後其子續封南陽之鄆音嗟馥謂此說互

誤漢書蕭何傳封小子延為鄧侯封曾孫慶為鄧侯封元
孫建世為鄧侯封元孫之子喜為鄧侯皆仍舊封不云改
封他郡菽園雜記謂何初封與子孫續封是兩縣誤與小
司馬同程良孺讀書考定因泗水亭碑鄧與何為韻遂謂
何受封於沛之鄧縣不知鄧鄧古讀同音班碑本是鄧字
正以音同巨詩桑扈三章翰憲與那為韻非其證歟劉肅
唐世說因張良封畱遂定為蕭何封沛亦屬武斷惟通雅
不惑於眾說其言曰鄧當時在南陽今在襄陽之光化者
蕭何封邑也漢志鄧為侯國不言鄧侯國非明驗乎楊
升菴焦弱侯定以鄧為何封邑而云師古無據者謬也

鄧

五鄧為鄧從邑咼聲

兵美切

五鄧為鄧者周禮遂人文一切經音義二十五引同又云
鄧野也蒼頡篇國之下邑曰野漢書質而不里如涪曰雖
質猶不如閭里之鄧言也桓十一年公羊傳而野畱何注
野鄧也呂氏春秋行論篇是以宋為野鄧也周禮宰夫掌
治饗以攷百官府羣都縣鄧之治注云五百家為
鄧呂氏春秋孟夏紀循行縣鄧注云鄧五百家也

邑

邑國百里為郊從邑交聲

古肴切

詁國百里為郊者司馬法王國百里為郊二百里為州三百里為野周禮肆師與祝侯禳于畀及郊鄭注遠郊百里近郊五十里又注聘禮周制天子畿內千里遠郊百里以此差之遠郊上公五十里侯伯三十里子男十里也近郊各半之

邑

屬國舍從邑氏聲都禮切

屬國舍者後漢書安帝紀注引同一切經音義七引同又引蒼頡篇邸舍也六書故邦國之人有舍於王國曰邸史記范雎傳徹衣閒步之邸正義云劉云邸諸國客館漢書文帝紀至邸而議之顏注郡國朝宿之舍在京師者率名邸邸至也言所歸至也盧綰傳舍燕邸顏注諸侯王及諸郡朝宿之館在京師者謂之邸後漢書和熹鄧皇后紀並為開邸第晉有司奏王公國家制京城不宜有田宅未暇作諸國邸當使有往來之處今限京師得有宅一所陸機洛陽記百郡邸在洛城中東城下步廣里中後魏置諸國使邸齊使第一高麗次之通鑑唐朝集使京師無邸率僦屋與商賈雜居太宗始命有司為之作邸

郭

郭也從邑孚聲

甫無切

郭也者當為郭通作郭風俗通郭謂之郭郭者亦大也周書周公作大邑成周於土中立城方千六百一十丈郭方七十二里春秋文十五年齊侯侵我西鄙遂伐曹入其郭杜云郭郭也公羊傳云郭者何恢郭也何云恢大也郭城外大郭襄十九年城西郭杜云魯西郭哀四年城西郭范甯云郭郭也隱五年左傳伐宋入其郭僖十二年傳諸侯城衛楚邱之郭襄十五年傳於是乎城成郭宣八年傳攻廩邱之郭杜注並云郭郭也吳語入其郭又云以焚其北郭焉韋注並云郭郭也

郭

境上行書舍從呂坐坐邊也

羽求切

境上行書舍者後漢書楊震傳注引同又郭太傳注引作境上傳書舍也本書無境字當為竟廣雅郵驛也廣韻郵境上舍增韻郵境上行書舍一云馬傳曰置步傳曰郵四書辨疑云郵字江南廣韻中原韻畧皆訓境上行書舍孟子速於置郵韻毛晃韻畧南北玉篇皆訓境上行書舍孟子速於置郵而傳命注云疾於置郵傳書命也漢舊儀五里一郵郵聞

相去二里半陸賈新語君子爲治郵無夜行之卒漢書武
五子傳旦置驛書往來相報淮南厲王傳有司請處蜀嚴
道邛郵師古曰郵行書之舍五行志河南街郵顏注郵謂
行書之舍也京房傳因郵上封事顏注郵行書者也若今
傳送文書矣薛宣傳橋梁郵亭不修顏注郵行書之舍亦
如今之驛及行道館舍也黃霸傳使郵亭鄉官皆畜雞豚
顏注郵亭書舍謂傳送文書所止處亦如
今之驛館矣 坐邊也者本書坐遠邊也

水部

國甸大夫稍稍所食邑從邑肖聲周禮曰任鄒地在

天子三百里之內

所教切

國甸大夫稍稍所食邑者鄒稍稍聲相近通作稍稍聘禮惟稍
受之注云稍廩食也周禮廩人賜賜稍食注云稍食祿廩
周禮曰任鄒地者地官載師文彼云以家邑之田任稍
地疏云名三百里地爲稍者以大夫地少稍稍給之故云
稍又通作削天官大宰家削之賦注云二百里家削疏云
家削之賦者謂二百里之內地名削其中有大夫采地謂
之家故名家削 在天子三百里之內者鄭注
周禮地官敘官稍人云距王城三百里曰稍

𡇗

𡇗 𡇗西胡國也從邑從𡇗𡇗亦聲

時戰切

𡇗 𡇗西胡國也者一切經音義一𡇗善漢書本名樓蘭因傳介子斬其王復更名𡇗善在烏耆國南陽關外也玉篇𡇗善西域國漢書云本名樓蘭城去長安六千一百里元鳳四年傳介子誅其王更名其國為𡇗善晉孔安起居注太康四年有司奏𡇗善國遣子元英入侍晉書張駿傳使其將楊宣率眾越流沙伐龜茲𡇗善魏書西域傳𡇗善國都并泥城古樓蘭國也隋書裴矩傳伊吾高昌𡇗善並西域之門戶也十道志𡇗州古西域之地禹貢離州之域元和郡縣志𡇗州古西域地漢置金城郡後漢分置西平郡後魏以西平郡為𡇗善鎮孝昌二年改鎮立𡇗州馱案隋於古樓蘭城置𡇗善郡唐為納縛波地 𡇗亦聲者當為𡇗聲

窮

夏后時諸侯夷羿國也從邑窮省聲

渠弓切

夏后時諸侯夷羿國也者本書羿下云古諸侯也一日射師弩下云帝嚳射官夏少康滅之論語曰吾善射通作窮書五子之歌有窮后羿傳云有窮國名羿諸侯名襄四年左傳有窮后羿玉篇引作窮論語羿善射孔曰羿有窮國